

DERRIGORREKO BIGARREN HEZKUNTZAKO GIPUZKOAKO IKASTETXEENTZAKO GnatZinema Gazteak 2021 LABURMETRAIEN LEHIAKETA OINARRIAK

Gipuzkoako Foru Aldundiko (GFA) Ingurumeneko eta Obra Hidraulikoetako departamentuak bideo-lehiaketa antolatzen du GnatZinema 2021 Natura eta Ingurumenaren Zinema Erakustaldiaren harira.

Departamentu honek gure naturaren kalitatezko hedapena bultzatu nahi du, etxetik gertu dugun horrena, baina hala ere ezezaguna dena gutariko askorentzat. Hori guztia aintzat hartuta lehiaketaren helburu nagusia hau da: gazteen eta naturaren arteko lotura bat sortzea, **gertuko naturarekin dugun harremanari buruzko bideo labur eta originalaren ekoizpena** eta difusioa bultzatuz. Norberaren herriko edo gertuko naturari buruzkoa behar du izan bideoak eta gaia modu erabat askean landu daiteke: norberaren bizipenak, gustuko eremu naturalak, asmatutako istorio bat, aiton-amonen kontakizun bat, egoera salagarriak natura aintzat hartuta, naturaren alde egin duen pertsona, elkarte, erakunde... baten ezagutza, etorkizunari buruzko hausnarketa... beti ere naturarekiko errespetuaren eta haren zaintzaren ikuspegitik.

PARTE HARTZEKO BALDINTZAK

Gipuzkoan Derrigorrezko Bigarren Hezkuntza egiten ari diren ikasleei zuzenduta dago lehiaketa eta partehartzea nahitaez gelako izango da: gela bateko ikasle guztiez osaturiko talde bakoitza partehartzaile bat izango da.

Bideoak egitean, kontuan hartuko da genero-berdintasunaren aldagaia, batez ere, pertsonak edo elkarriketak azaltzen badira.

Lehiaketan parte hartzeak oinarri hauek onartzea eta epaimahaiaren erabakiak onartzea dakar berekin. Lehiaketako oinarriak ez onartzeak kanpo geratzea ekarriko du. Ingurumen eta Obra Hidraulikoetako departamentuak beretzat gordeko du lehiakideren batek oinarrietan ezarritakoari iruzur egiten dion, hura aldatzen duen edota hondatzen duen gela kanporatzeko edo lehiaketa bertan behera uzteko eskubidea.

BIDEOEN EZAUGARRIAK

Hiru eta bost minutu artean irauten duen bideo labur bat aurkeztu behar dute lehiaketako partaideek, pertsonok naturarekin dugun harremana gai nagusitzat hartuta: gertueneko naturaz nola gozatu, bertan izandako bizipenak, ezaugarri bereziko eremu baten berri ematea, naturaren alde lan tinko egindako pertsona, talde, erakunde baten berri ematea, eremu batekiko izan daitekeen atxikimendua zabaltzea...

Bideoak originala, ez-komertziala, telebistan emititu gabea, eta, erakargarria izan behar du. Horretarako, partaideek (indibiduala nahiz taldea) elementu artistikoak, musika, irudiak edo egoki deritzoten bestelako edozein erabil dezakete, beti ere oinarri hauetako "Lege-baldintzak" atalean ezartzen dena betez.

Fitxategiaren gehieneko pisua 50 MB izango da eta, formatuari begira, sare sozialetan baneratzeko moduko formatuaren batean aurkeztu beharko dira: MP4, MOV, WMV edo FLV.

BIDEOAK BIDALTZEA

Bideoak, sinatutako izena emateko fitxarekin batera, ingurumendibulgazioa@gipuzkoa.eus helbide elektronikora bidali behar dira, mezuaren gaian honelako erreferentzia idatzita: "Gnat Zinema IKASTETXEENTZAKO LABURMETRAI LEHIAKETA". Mezu horretan zehaztuko da ikastetxearen eta egileen gelaren izena (adibidez: Iztueta ikastetxea, 2D).

IZENA EMATEKO FITXA hemen topatuko duzu: <https://gip.eus/ft7>. Fitxaren eremu guztiak nahitaez bete behar dira, eta horietako bat behar bezala betetzen ez bada, Ingurumen eta Obra Hidraulikoetako departamentuak eskubidea izango du partaidea edo taldea lehiaketatik kanpo uzteko. Lehiaketan parte hartzeko gelako tutoreak baimendu beharko du inskripzio-fitxan dagokion atala betez, modu horretan berak ere, lehiaketaren oinarriak onartuko ditu. Izena emateko fitxa eskaneatuta atxikituko da mezuan.

Mezu horretan bertan adieraziko da Ingurumeneko eta Obra Hidraulikoetako departamentuak lehiaketara aurkeztutako bideoa deskargatu ahal izateko erabili behar duen **DROPBOX, WETRANSFER EDO ANTZEKO PLATAFORMAREN BATERAKO LOTURA**.

Bideoak aurkezteko epea: **2021eko martxoaren 26tik maiatzaren 7ra bitartean**.
Epez kanpo aurkeztutako bideo guztiak automatikoki geratuko dira lehiaketatik kanpo.

SARIAK

Lehiaketan parte hartzen duten gela guztiek GFAko opari sorta bat jasoko dute.

Lehiaketa irabazten duen laburmetraia GnatZinema Gipuzkoako Natura eta Ingurumen Zine Erakustaldian emango da.

Ezaugarri aipagarriak dituztela eta bideo batzuek aipamen berezia merezi dutela uste bada, Ingurumen eta Obra Hidraulikoetako departamentuak haiei sari berezia emateko eskubidea du. Sari-banaketa 2021eko ekainean izango da. Sari-banaketaren ekitaldian ikusgai jarriko da bideo irabazlea, eta epaimahaikideek epaiaren berri emango dute.

AURKEZTUTAKO BIDEOEN LEHEN AUKERAKETA

10 bideo baina gehiago aurkeztzen badira lehiaketara, Ingurumen eta Obra Hidraulikoetako departamentuaren eginkizuna izango da lehen aukeraketa bat egitea, 10 bideo hautatuz. Aukeraketa hori epaimahaiak kontuan hartu behar dituen irizpide berdinak erabiliz egingo da. Lehen aukeraketa gainditzen duten 10 bideo horiek izango dira ondoren epaimahaikideek baloratuko dituztenak.

EPAIMAHAIKIDEAK

Ingurumen eta Obra Hidraulikoetako departamentuak epaimahai bat izendatuko du. Epaimahai hori hiru lagunek osatuko dute:

- José Ignacio Asensio. Ingurumen eta Obra Hidraulikoetako foru diputatua.
- Kulturako foru Zuzendaritzako ordezkari bat.
- José Luis Rebordinos. Donostiako Zinemaldiko zuzendaria.

Epaimahaiak bideo irabazleak aukeratzeko honako irizpideak hartuko ditu kontuan:

- lehiaketaren helburuetara egokitzea
- naturarekiko lotura
- sormena
- genero-berdintasuna bideoan pertsonaiak azaltzen direnean
- grabazioaren kalitatea
- kontaketa eta mezua argiak izatea
- birala bihurtzeko gaitasuna (ustekabea, edertasuna, umorea...).

Nolanahi ere, bikaintasun teknikoa baino gehiago bideoaren dibulgazio-ahalmena, naturarekiko lotura, sormena eta interesa izango ditu kontuan epaimahaiaren erabakiak. Nolanahi ere, epaimahaikideen erabakia apelaezina izango da. Epaimahaiak eman gabe utz dezake sari horietatik edozein.

HARREMANETARAKO

Zalantzarik baduzu, jar zaitez harremanetan antolatzaileekin:

Ingurumeneko Zuzendaritza Nagusia - Ingurumena eta Obra Hidraulikoak
ingurumendibulgazioa@gipuzkoa.eus
Tel 943 11 29 48

LEGE-BALDINTZAK

Ingurumen eta Obra Hidraulikoetako departamentua ez da materiala bidaltzean, birusak edo bestelako arrazoiak direla eta, sor daitezkeen gertaeren erantzule.

Oinarri hauek onartzea nahitaezkoa da lehiaketan parte hartzeko, eta, beraz, sariak irabazi ahal izateko. Partaideen batek oinarrietan ezarritako baldintzak ez baditu betetzen, lehiaketatik kanpo geldituko da, automatikoki.

Lehiaketara aurkeztutako partaidea ez den beste egile batek beste hizkuntza batean egindako bideo baten edo bideo horretan oinarritutako lan baten itzulpen hutsak diren bideoak ez dira onartuko. Bideoan musika erabiltzen bada, partehartzaileak izango dira Jabetza Intelektualaren legean ezarritakoak betetzearen arduradunak, eta hor-taz, Ingurumen eta Obra Hidraulikoetako departamentua gai horrekin lotutako erantzukizunetatik libre gelditzen da.

EGILE-ESKUBIDEAK

Lehiaketara aurkeztutako bideo guztiak izango dira jatorrizkoak eta lehiaketaren parte-hartzeak berekin dakar egileek onartzea bideoa promozio-ekintzak egiteko aukera. Gainera, GFAko Ingurumen eta Obra Hidraulikoetako departamentuaren web-atarian eta sare sozialetan argitaratzeko eta hedatzeko aukera dago, hau da, partaideek departamentu honi uzten dizkiote aurkeztutako bideoak dibulgatu, erreproduzitu eta erakusteko eskubideak.

Halaber, departamentuak lehiaketara aurkeztutako bideoak eraldatu egin ditzake, muntaia laburragoak egiteko edo beste bideo batzuekin batera editatzeko. Bestalde, hautatutako eta jasotako lanak sustapenerako eta/edo hedapenerako erabiltzeko eskubidea dute antolatzaileek. Era berean, bideoek ez dute pertsona fisiko edo juridiko-koen jabetza, osotasuna edo irudi ona kaltetu behar.

Aurkeztutako bideoak ustiatzeko eskubidea emateagatik, Ingurumen eta Obra Hidraulikoetako departamentuak eskubidea du bideoak Internet edo bestelako ikus-entzunezko baliabide baten bidez zabaltzeko edo argitaratzeko, baina ez dago horretara behartua.

AZKEN KLAUSULA

3/2018 Lege Organikoak, abenduaren 5ekoa, Datu Pertsonalak Babestekoa eta Eskubide Digitalak Bermatzekoa, xedatzen duena betez, parte-hartzaileen datu pertsonalak "INGURUMENAREKIN ZERIKUSIA DUTEN KANPAINAK" fitxategian sartuko dira. Fitxategi hau Datuak Babesteko Erregistroan inskribatuta dago. Fitxategiaren arduraduna Ingurumen Zuzendaritza Nagusia da, eta, nahi izanez gero, aipatutako Legean aurreikusitako sarbide-, zuzenketa-, ezeztapen- eta aurkaritza-eskubideak balia ditzakete partehartzaileek Ingurumen eta Obra Hidraulikoetako departamentuko Idazkaritza Teknikoan.